

Panas melampau cetus gelombang haba, jerebu, kebakaran belukar di tanah gambut

Kemarau melampau di Perlis, Kedah

yang boleh menjadi penyebab utama kepada udara yang berasap dan berjerebu.

“Terdapat empat peringkat kod kemarau iaitu rendah sederhana, tinggi dan melampau.

“Kod kemarau melampau merujuk kepada keadaan musim kemarau peringkat bahaya yang memerlukan kurang daripada lima hari yang kering bagi mencapai ambang jerebu teruk.

“Pada peringkat



BEBERAPA ekor angsa berkeliaran di kawasan saliran air yang kering kontang di Kuala Nerang, Kedah ekoran musim panas yang melanda negara ini sejak awal tahun.

KUALA LUMPUR —

Musim panas panjang yang melanda Malaysia semakin membimbangkan apabila Jabatan Meteorologi (MetMalaysia) meletakkan beberapa buah negeri dan kawasan di negara ini di bawah kod kemarau melampau.

MetMalaysia menerusi laman webnya mengklasifikasikan bacaan kod kemarau melampau di seluruh negeri Perlis, bahagian utara Kedah termasuk Pulau Langkawi dan beberapa kawasan di Pahang, Negeri Sembilan, Johor dan Sabah yang dicatatkan kelmarin.

Berdasarkan bacaan suhu semalam yang hampir sama dengan bacaan kelmarin, Alor Setar di Kedah dan Chuping di Perlis mencatatkan suhu tertinggi iaitu pada bacaan 38.5 darjah Celsius dan 38 darjah Celsius.

Selain itu, Temerloh, Pahang mencatatkan bacaan suhu 36.9 darjah Celsius; Keningau, Sabah (35.4), Kuala Pilah, Negeri Sembilan (35.2) dan Langkawi, Kedah (35) yang turut diletakkan di bawah kod kemarau melampau.


Antara kawasan yang diletakkan di bawah kod kemarau tinggi pula ialah Sandakan, Sabah (31); Labuan (32.5); Miri, Sarawak (33.6), Kota Kinabalu, Sabah (33) dan Grik, Perak (31.2).

Menurut Ketua Pengarah MetMalaysia, Datuk Che Gayah Ismail, kod kemarau digunakan sebagai petunjuk kepada keupayaan api untuk membara di tanah gambut



CHE GAYAH

Kategori kemarau di negeri-negeri di Malaysia (12 Mac 2016)



ini larangan kepada sebarang pembakaran perlulah dikuatkuasakan,” katanya kepada *Kosmo!* semalam.

Che Gayah memberitahu, keadaan kemarau yang melanda negara ini juga boleh menyebabkan berlakunya gelombang haba apabila suhu mencecah sehingga 35 darjah Celsius selama lima hari berturut-turut atau 37 darjah Celsius selama tiga hari berturut-turut.

Jelas beliau, musim kemarau yang melanda negara dijangka berlarutan sehingga bulan Jun ini dan turut diburukkan lagi dengan fenomena El-Nino.

Bagaimanapun, katanya, taburan hujan yang turun pada sebelah petang di se-setengah lokasi dapat mengurangkan bahang gelombang haba.

“MetMalaysia turut meramalkan negara bakal dilanda jerebu semula apabila angin barat daya dari arah Sumatera kembali bertiup mulai bulan Mei hingga September,” jelasnya.

Berdasarkan rekod MetMalaysia, Stesen Meteorologi Chuping, Perlis pernah mencatatkan suhu tertinggi di negara ini pada 9 April 1998 iaitu 40.1 darjah Celsius.

INFO

Kategori kemarau dan suhu negeri di Malaysia

KEMARAU MELAMPAU

- Alor Setar, Kedah (38.5 darjah Celsius)
- Chuping, Perlis (38 darjah Celsius)
- Temerloh, Pahang (36.9 darjah Celsius)
- Keningau, Sabah (35.4 darjah Celsius)
- Kuala Pilah, Negeri Sembilan (35.2 darjah Celsius)

- Langkawi, Kedah (35 darjah Celsius)

KEMARAU TINGGI

- Sandakan, Sabah (31 darjah Celsius)
- Wilayah Persekutuan Labuan (32.5 darjah Celsius)
- Cameron Highlands (25.7 darjah Celsius)
- Miri, Sarawak (33.6 darjah Celsius)
- Kota Kinabalu, Sabah (33 darjah Celsius)
- Grik, Perak (31.2 darjah Celsius)

* Bacaan suhu pada 13 Mac 2016